

北京大學日刊

The University Daily

號九六八二第

張半版出日今

廣告費	報費	地址
每行五字 五字起碼 每行五字 五字起碼 每行五字 五字起碼	自取一角 郵費在內 先付郵票 不取郵費 先付郵票 不取郵費	北平景山東街北京大學第二院

(目要日本)

△司法部南京辦事處函
△地質系教授會啓事

公函

司法部南京辦事處函

逕復者准

兩派審查聲請甄拔律師應依照修正甄拔律師委員會章程第一條第二項之規定將足資證明資格文件連同甄拔印花各費洋二十二元具呈到部俟甄拔合格領到免試合格證書後再依律師章程第五條之規定繳納證書印花各費洋一百八十二元並最近相片二張請領律師證書再本部並無法官免試條例無從檢寄相應函復查照此致
國立北京大學

本校布告

註冊組布告

本屆畢業紀念章現由本組代為發給凡各系四年級學生應畢業者請親持二十年度入學證前來領取自本月二十四日起至月底止每日上午九時至十二時為發章期間逾期不候此布
二十一年六月二十二日

體育組布告

六月廿二日
暑假期中，留校同學，宜有相當之運動，以資鍛鍊。現除網球已有多人踴躍練習外，關於籃球隊

球運動。甚希望同學，組成多隊；俾本組規定時間，請導師按時到場指導。茲定自本月二十二日（星期三）起，至二十九（星期三）止；為報名時期。同學具此興趣者，請速到本組報名，為盼。

公告

地質系教授會啓事

本系一年級諸生望于本月三十日上午十時至地質系閱覽室接洽旅行日期及工作方法

外國語文學系英文組同學公鑒：

本組各級下學年所用課本，同學們宜各自購備者，已開列清單（與指導書略有出入），公布於一院英文閱覽室。尚望同學們在放暑假前後，分別向琉璃廠中國圖書公司定購，以備秋季開學時之用，為要。

外國語文學系英文組啓事 六月二十一日

圖書館啓事

本校各系主任鈞鑒
敬啓者下學期開學時各系教課最小限度所必需之書須本校圖書館購置者敬祈于本月內即將書名著作人及出版處詳細開單示知館中購置股以便定購為荷
六月十七日

廣告

順治元年內外官署奏疏出版

研究所國學門明清史料整理會影印品之二
每本定價國幣八角不折扣出版部代售
此書原系抄改之稿，備修實錄之用者，其中有重要之件，傳者絕少，朱邊先生有序文，提要鉤玄，敘述甚詳，茲錄其原文，可以不煩言矣。如左：

順治元年內外官署奏疏一冊，北京大學研究所國學門所藏，為清內閣大庫故物，僅存七月一冊。考清世祖福臨於順治元年九月入北京，七月尚為多爾袞攝政之時，故各疏末均稱奉旨云云。各疏上均用墨筆鈎去十之八九，僅存要語數行，蓋修實錄時所為耳，如沈惟炳王鰲永兩疏要語，均采於東華錄，東華錄出於實錄，此其證也。
此冊所錄，大半係武臣奏疏，如馮銓洪承疇張勳等，皆見於武臣傳，清初開國諸設施，實為彼等所規畫，上列諸人之疏，即可窺見一斑；而其尤要者，為吏部左侍郎沈惟炳薦近地人才疏所列山東十六人，北直隸六人，山西九人，河南五人，戶部右侍郎王鰲永薦地方人才疏所列山東三十九人，（首列謝陞即於本年入為大學士）兵部左侍郎劉綎薦人才疏所列山東三人，北直隸三人，山西河南陝西各一人，（其他若孫承澤孫襄等亦各有疏薦不具舉）皆各叙其明代官職，此皆實錄所不載，可以補史之缺。其中拔用而居要職者，實居多數，此與順治三年進士題名碑，可以互相參照，蓋此年進士，實惟北直隸山東山西河南四省之人，其他各省寥寥數人而已，三鼎甲皆為山東北直隸所出，（一甲一名，傅以漸山東人於

順治十年即為大學士）故此時清政府勢力，實為此四省人所左右，南方則尙與清相對抗也。及東南既定，順治四年進士榜，則江南之人獨多，三鼎甲竟為江南人獨占，（其後順治十五年十六年兩科三鼎甲亦為江南人獨占）順治六年，則浙江之人又忽增多，當斯之時，北方四省列名於榜者，大為削減，於是政治勢力，北優於南，文化勢力，南優於北。聞故老言，其時南北暗鬭甚烈，如「科場案」「奏銷案」皆執政者借以傾南國人士耳，而奏銷一案為尤烈，此案僅江南蘇松常鎮四屬，官紳士子，革職者已達萬數千人，蓋此等巨案，原因雖甚複雜，然有假借者為之播扇，則其禍為尤烈，宜乎同為武臣，如江浙之張勳等錢謙益吳偉業等，皆不能得志！得志矣，如陳名夏陳之遴輩，皆不得善終，昔蒙古入主中國，顯分階級：蒙古色目第一，漢人次之，（北方舊屬金者為漢人）南人又次之；（南宋人）滿洲入主中國，攝政王多爾袞入北京之日，即首徵明大學士涿州馮銓為宰輔，銓本與南方東林黨小東林黨（復社）為仇，順治十八年中三次為相，寵眷獨隆，汲汲以羅致北彥為羽翼，其心目中北方四省，即以元之漢人自居，南方入清版圖獨後，故亦以元之南人待之。銓嘗奏曰：「南人優於文而行，北方短於文而行或善，」陳之遴之被朋黨罪名也，其疏云：「南北各親其親，各友其友，」南北之爭，馴至順治十八年，而禍中於南方獨熾，於是通海之株連，集社之禁止，接踵而起，其禍害皆中於南士。探原案因，則此三四推薦人才之疏，與夫開國進士之榜，即可以窺其消息。則此疏稿，不可以不急謀流播，而供史家之探索也。
中華民國二十年四月一日海鹽朱希祖作於北平